



PIONEER JUNIOR COLLEGE

JC2 PRELIMINARY EXAMINATION

Higher 2

BAHASA DAN KESUSASTERAAN MELAYU 9565 / 2

Kertas 2

MALAY LANGUAGE AND LITERATURE 9565 / 2

Paper 2

20 Sept 2017

1 hour

ARAHAN UNTUK CALON

1. Kertas peperiksaan ini mengandungi dua sumber dan empat soalan.
2. Baca setiap sumber dengan teliti. Kemudian, jawab soalan-soalan yang diberikan dengan menggunakan ayat kamu sendiri.
3. Apabila pengawas peperiksaan memberikan isyarat, klik 'START'.

Copyright PJC 2017

BAHAGIAN C (30 markah)

SUMBER A

Arahan : Baca blog di bawah ini dengan teliti.

Kepentingan Pendidikan Dalam Pembentukan Kualiti Hidup Sejahtera

Oleh Dr Affizal Ahmad

Pendidikan berkualiti sangat efektif bagi menentang kemiskinan, membina demokrasi, dan membentuk masyarakat yang sejahtera. Malah, pendidikan yang berkualiti juga memberi kuasa kepada individu, memberi mereka suara, mendedahkan potensi mereka, menunjukkan jalan ke arah penyempurnaan diri, serta meluaskan pandangan dan pemikiran individu kepada dunia tanpa sempadan. Di samping itu, pendidikan yang berkualiti merupakan suatu konsep yang dinamik, berubah, dan berkembang mengikut masa serta berubah dalam konteks sosial, ekonomi, dan persekitaran setempat. Pendidikan sedemikian menggunakan pendekatan kemahiran-hidup dalam pendidikan dan memasukkan kemahiran lain dalam meorientasikan pendidikan untuk memperolehi keseimbangan.

Mempelajari pelbagai kemahiran akan menyediakan individu untuk lebih berjaya dalam kehidupan di rumah, komuniti, serta di tempat kerja. Manusia, sebaik-baiknya menggunakan multi-kemahiran ketika melaksanakan aktiviti harian; berhubung dengan ahli keluarga dan masyarakat; serta bertindak sebagai individu, ahli dalam sesuatu kumpulan, dan pekerja sesebuah organisasi. Dengan adanya pendekatan kemahiran-hidup dalam pendidikan, para pelajar lebih peka kepada perkembangan ilmu, mengguna dan mempraktikkan pelbagai jenis kemahiran sesuai dengan tuntutan persekitaran pembelajaran tersebut. Memiliki dan mempraktikkan kemahiran dengan betul sangat penting untuk menyesuaikan diri dengan persekitaran semasa.

Justeru itu, individu memerlukan kemahiran dalam setiap empat ruang pendidikan iaitu belajar untuk mengetahui, belajar untuk melakukan, belajar untuk hidup bersama orang lain, dan belajar untuk menjadi seseorang. Selain itu, setiap individu juga memerlukan kemahiran kognitif, tumpuan, pengurusan diri, dan sosial. Kemahiran hidup membolehkan individu untuk menghubungkan apa yang mereka ketahui dan lakukan sekarang dengan apa yang boleh mereka ketahui dan lakukan di masa hadapan.

SUMBER B

Arahan : Baca petikan karangan di bawah ini dengan teliti.

Makin ramai remaja bunuh diri

Oleh Rosmidzatul Azila binti Mat Yamin
Jul 26, 2016

Golongan muda bermasalah yang mendekati agensi pencegahan bunuh diri Samaritan Singapura (SOS) menyatakan isu kesihatan mental, tekanan akademik, dan masalah hubungan di rumah dan di sekolah adalah punca terbesar tekanan yang mereka hadapi. Jumlah kes bunuh diri dalam kumpulan umur 10 hingga 19 tahun itu semakin bertambah.

Ini sekali gus menekankan keperluan mendesak mengenal pasti dan membantu kanak-kanak berisiko, kata para pakar kaunselor. Bagaimanapun, usia remaja boleh menjadi masa sukar apabila anak-anak muda berjuang dengan isu identiti dan kekitaan, ujar SOS.

Mereka yang mempunyai masalah kesihatan mental dan tertekan oleh persekitaran rumah dan belajar lebih menghadapi risiko. Menurut seorang pekerja sosial utama di Perkhidmatan Masyarakat Fei Yue Cik Petrine Lim bahawa, membesar dalam era digital juga boleh membuat mereka mudah terdedah pada pengaruh negatif dalam talian yang mungkin membawa kepada perbuatan mencederakan diri sendiri atau membangunkan kecenderungan membunuh diri.

Salah satu sebabnya ialah kesibukan ibu bapa, yang mungkin tidak menghabiskan cukup masa dengan anak-anak, tidak menyedari akan perubahan mood anak mereka. Kurang perhatian ibu bapa ini benar-benar membuat anak-anak berasa tertekan lalu berpaling pada dalam talian untuk cuba mengetahui cara menguruskan kemurungan, di mana terdapat lingkungan luas jawapan dan ada pula orang yang mungkin cuba memberi mereka jalan keluar bagi kesakitan mereka.

Remaja yang tidak mempunyai saluran sihat untuk meluahkan kesakitan mereka, misalnya keluarga dan rangkaian sosial yang menyokong, cenderung menghadapi risiko mencederakan diri sendiri dan memikirkan tentang bunuh diri, kata para kaunselor.

Arahan : Berdasarkan Sumber A dan Sumber B, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu di dalam Kertas Jawapan yang disediakan.

- 11 Berdasarkan Sumber A, jelaskan kepentingan pendidikan berkualiti.
(4 markah)
- 12 Berdasarkan Sumber B, apakah masalah utama yang dihadapi golongan muda masa kini?
(4 markah)
- 13 Bagaimanakah kandungan petikan Sumber A dan Sumber B saling menyokong?
(7 markah)
- 14 Berikan komen kamu terhadap pernyataan bahawa, "Pendidikan bertindak sebagai pemangkin kesejahteraan hidup. Melalui pendidikan, individu berupaya membina keyakinan diri untuk berhadapan dengan dunianya, memahami diri sendiri serta keupayaan kawalan diri." Jawapan kamu tidak harus melebihi 160 patah perkataan.
(15 markah)

Selesai